

568038

平定兩金川方畧

十

四

平定兩金川方略

十
四

平定兩金川方略卷之二十五

四月丙寅桂林鐵保汪騰龍奏言。臣等公同籌

議。由阿仰東山梁壘壘溝山嶺。攻抵達烏。分兵

四路。一由扎哇窠溝內。奪取阿仰山梁。派令總

兵英泰王萬邦督攻。一由東山梁臨河架礮。轟

摧隔岸阿仰礮寨。如見官兵於對面山梁得手。

卽搭浮橋渡河夾擊。一路仍由東山梁併力進

攻一路由墨壟溝山嶺相機進取。臣等分路督

催。先於十八日在扎哇窠溝內晝夜攻打對面

山梁。我兵屢次攀越上登。因賊番鎗石甚緊。未

能卽克。至十九日寅刻。賊勢稍懈。我兵乘間鼓

勇先登。隨後各兵直撲賊碉。拋擲火彈。賊衆驚

逃。我兵分頭追殺。直取阿仰地方。其東山梁下

放礮官兵。望見大兵已抵對面山梁。賊番正在

拒敵。迅速搭橋渡河。一路由上壓取。一路由下
仰攻。賊番窘迫竄逃。殲戮無數。大兵會集。從東
山梁前進。盡克賊碉。共攻得地方六處。一名耳
交。一名喀爾阿。一名噶爾阿。一名格藏。一名巴
幹。一名格宗。直至達烏對岸。其東山梁上。領兵
將備。奮力攻取。梁上賊番一見阿仰火起。且大
兵抄越在前。恐致兩面受敵。勢已驚惶。我兵奮

勇上前。賊番不能支禦。追過山口。殲戮甚多。至
墨壟溝山嶺一路。賊番勢孤膽怯。我兵衝殺上
山。搶佔要路。燒燬碉卡。賊均奔逃。遂會合東山
梁之兵。分路攻奪碉寨。無不望風逃遁。又得地
方四處。一名普格崖。一名果洲。一名古瓊喇嘛
寺。一名鸚哥嘴。二十日辰刻。直抵達烏。一擁而
進。賊人不料我兵迅至。直撲碉卡。砍殺賊番。對

岸官兵復渡河夾攻。賊人棄礮驚竄。退守山梁。
我兵現將達烏官寨。全行佔據。共攻獲沿山寨
落一十四處。計程三十餘里。共得礮房六百餘
座。殺死賊番六百餘名。所有在事領兵滿漢官
弁。無不勇往爭先。兵練等亦傷損無多。此皆仰

賴

皇上天威。得以勢如破竹。查新得墨壟溝喇嘛寺。其

旁皆有路可通金川。現已派撥官兵嚴加堵禦。其餘要隘亦皆撥兵防範。所得碉寨每處酌留幾所。以備收貯兵糧火藥。餘概拆毀。從此查探路徑。督率官兵乘勝深入。以期掃穴擒渠。奏入。上諭內閣曰。桂林等奏分兵四路。連日攻得阿仰東山梁。壘溝達烏各地方。是處爲賊緊要門戶。峻險異常。桂林調度深合機宜。鼓勵將兵。得此要地。

實屬可嘉。在事之將領弁兵。並著交部從優議敘。

上又諭軍機大臣曰。桂林等奏設法進取。分路奮攻。

調度甚合機宜。將領弁兵等。亦俱奪勇出力。深爲

欣慰。已有旨交部從優議敘矣。桂林從未經歷軍

務。乃能籌辦妥協。若此。特賞御用玉韞。以示嘉獎。

鐵保。注騰龍亦各賞荷包一對。益當加意奮勉。迅

成大功。其將弁等。出力攻殲殺賊者。著桂林將備

賞花翎。分別賞戴。其中如有勇往超衆。不拘滿洲
綠營。並奏聞賞給巴圖魯號。俾將士等益知鼓勵。
王萬邦。英泰。亦著賞戴花翎。桂林旣已攻得墨壘。
溝達烏一帶險要。現在進攻僧格宗。賊番甫經受
創。心膽皆驚。自必望風而靡。官兵卽可乘勝直入。
迅搗賊巢。擒獲逆豎。尅期蒞事。但僧格宗爲小金
川咽喉。恐賊衆舍死固拒。該處賊寨較大。或尙須

多兵分勦。俟全得革布什咱後。卽令宋元俊回至
僧格宗。協同進攻。若僧格宗。弼卡。易於攻破。不須
宋元俊之相助。卽無庸急於調回。朕意革布什咱。
若經全得其地。已與金川相近。此時索諾木似尚
未能多爲準備。宋元俊現統兵練。亦不爲少。或竟
出其不意。乘勝直進。扼金川噶拉依之險。官兵將
來進勦。尤爲得力。果能如此。則宋元俊之功不小。

平定回疆方略卷之三十五
五
但亦須審度萬全。不可不惜兵衆。冒昧輕進。此等
行軍機要。朕亦不能懸斷。著桂林與宋元俊迅速
剴商。就該處實在情形。熟籌妥辦。

已已

上諭內閣曰。前以調赴川省之滿洲兵二百名。黔兵
五千名。陝甘兵六千名。遠道跋涉。曾經加賞一月
錢糧。今據李煦奏續調之貴州兵三千名。業自畢

節起程赴川並據文綬奏報續調之陝甘兵三千亦經陸續起程該兵丁等啓行迅速勇往可嘉著一體加恩於伊等到軍營之日各賞給一月錢糧卽在川省軍需項下支發。

壬申桂林鐵保注騰龍奏言查阿仰東山梁壘壘溝達烏等處先經督兵攻克茲復察勘情形東西兩山內扼要之處尚有格烏巴桑及那隆

山嶺。必須一併攻克。我兵前進。始無後顧之虞。
隨於二十二十一等日。飭令侍衛將領。帶兵分
路奪取。賊番聞風喪膽。先已陸續奔逃。我兵一
到。無不棄礮竄逸。殺死賊番十四名。搶佔礮房
石卡七十餘處。惟達烏前面。山勢陡峻。逃散各
番。現在聚集。悉力拒守。如其爭此路口。賊人危
急。勢必抵死相持。未免稍稽時日。詢之熟悉山

路土兵知尚有可繞之路。業已密派妥幹員弁。潛帶熟諳土兵。查探間道。分兵繞截。前後夾攻。使彼兩面受敵。即可乘勝直抵僧格宗。

同日佳林又奏言。據宋元俊稟稱。元俊帶領官兵。分路進取。緣丹東及覺拉喇嘛寺。爲路較遠。該處賊番聞信拒守。元俊統兵圍困丹東。晝夜用礮轟擊。力攻數日。賊番頗見驚惶。隨於二十

二日督兵四面攻撲。砍奪礮門。奮勇殺入。賊番無路奔逃。有跳礮圖脫者。俱被我兵鎗斃。其不能竄出者。頭人二名。番衆五十餘名。盡行誅戮。酌留官兵駐守。卽率領遊擊沈寬等。隨帶大礮。趕赴覺拉喇嘛寺。盡力轟摧。該番受困已深。又見大兵繼至。當卽潰散。我兵四路截擊。又殺金川頭人一名。番衆七十餘名。統計攻獲革布什。

咱地方。三百餘里。民戶二千餘。俟查清另報。查甲爾壟壩地方。在革布什咱西北。前因我兵俱在東南進發。勢難控制。故密遣陳定國紆道往綽斯甲布。調令發兵。先行佔據。以防其抗拒。旋因革番旺勒丹暗行勾結。機有可乘。元俊統兵進取。全行收復。金川並無抗拒之跡。茲據綽斯甲布土司。已發兵在交界處所。元俊飭令暫